

LA COUNTA DI RATTE ST-CHRISTOPHE (SILVANA CHENEY)



Padze 1

Eun pasèn dézò euna CLEENDA, eun RATTE l'a racha-se la PI.

Padze 2

Lo ratte va eun tchi lo CORDAGNÌ é lèi di :

« Cordagnì, sopli, remenda-mé la pi que n'i racha-me eun pasèn dézò la cllenda ! ».

« Praou cheue ! » lèi ripoùn lo cordagnì « Mi pe sen, mé n'i fata de SÈYA di GADEUN ».

Padze 3

Lo ratte va vére lo GADEUN é lèi di :

« Gadeun, sopli, bailla-mé de sèya pe lo courdagnì ! ».

« Praou cheue ! » lèi ripoùn lo gadeun « Mi pe sen, mé n'i fata de FAEUNNA ».

Padze 4

Lo ratte va vére lo MOULIN-Ì é lèi di :

« Moulin-ì, sopli, balla-mé de faeunna pe lo gadeun ! ».

« Praou cheue ! » lèi ripoùn lo moulin-ì « Mi pe sen, mé n'i fata di BLOU ».

Padze 5

Lo ratte va vére lo TSAN DE BLOU é lèi di :

« Tsan de blou, sopli, bailla-mé de blou pe lo moulin-ì ! ».

« Praou cheue ! » lèi ripoùn lo tsan de blou « Mi pe sen, mé n'i fata de DREUDZE, pe fée crèite lo blou ».

Padze 6

Adoùn lo ratte va vére la VATSE é lèi di :

« Vatsé, sopli, bailla-mé de dreudze pe lo tsan de blou ! ».

« Praou cheue ! » lèi ripoùn la vatse « Mi pe sen, mé n'i fata de FEN ».

Padze 7

Adoùn lo ratte va vére lo PROU é lèi di :

« Prou, sopli, bailla-mé de fen pe la vatse ! ».

« Praou cheue ! » lèi ripoùn lo prou « Mi pe sen, mé n'i fata d'IVE pe fée crèite l'ERBA ».

Padze 8

É lo ratte va vére lo RI é lèi di :

« Ri, sopli, bailla-mé d'ive pe lo prou ! ».

Padze 9

Adoùn lo RI baille d'IVE i RATTE que la pourte i PROU ;

é lo PROU lèi baille de FEN que llou pourte a la VATSE ;

é la VATSE lèi baille de DREUDZE que llou pourte i TSAN DE BLOU ;

é lo TSAN DE BLOU lèi baille de BLOU que llou pourte i MOULIN-Ï ;

é lo MOULIN-Ï lèi baille de FAEUNNA que llou pourte i GADEUN ;

é lo GADEUN lèi baille de SÈYA que llou pourte i CORDAGNÏ ;

é lo CORDAGNÏ lèi remende la PI que lo RATTE l'ayé racha-se eun pasèn dézò la CLEENDA !